

01/3  
01/3 04.08.21  
[Signature]

**BOSNA I HERCEGOVINA**  
**UPRAVA ZA INDIREKTNO OPOREZIVANJE**  
**BANJA LUKA**

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-50-2/21

Banja Luka, 04.08.2021. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu AGENCIJE „NET COMM“ vl. Taslaman Belma, Ul. Behdžeta Mutevelića 51, 71 000, za pristup informacijama, Odjeljenje za komunikacije i međunarodnu saradnju, d o n o s i

***RJEŠENJE***

Odobrava se AGENCIJI „NET COMM“ vl. Taslaman Belma, Ul. Behdžeta Mutevelića 51, 71 000 Sarajevo pristup informaciji „da li Uprava za indirektno oporezivanje ima saznanja o dostavi putem službenog e-mail-a uposlenika nadležnog općinskog organa, od datuma 30.11.2017.godine u 9:45 sati, Rješenja o prenosu obrtničke djelatnosti AGENCIJA „NET COMM“ na zakonskog nasljednika Taslaman Belma.

***Obrazloženje***

AGENCIJA „NET COMM“ vl. Taslaman Belma, Ul. Behdžeta Mutevelića 51, 71 000 Sarajevo podnijela je dana 20.07.2021. godine Upravi za indirektno oporezivanje BiH, u skladu sa Zakonom o slobodi pristupa informacijama u BiH, zahtjev za pristup informacijama da li Uprava za indirektno oporezivanje ima saznanja o dostavi putem službenog e-mail-a uposlenika nadležnog općinskog organa, od datuma 30.11.2017.g. u 9:45 sati, Rješenja o prenosu obrtničke djelatnosti AGENCIJA „NET COMM“ na zakonskog nasljednika Taslaman Belma nakon smrti obrtnika Taslaman Šefik, broj: 03-21-555/17 od 08.11.2017.godine, izdatog od Službe za oblast privrede i finansija, Općine Novo Sarajevo, a čijim danom izdavanja je prestalo da važi Rješenje za obavljanje obrtničke djelatnosti AGENCIJA „NET COMM“, vlasnik: Taslaman Šefik, izdato od Službe za oblast privrede i finansije, Općine Novo Sarajevo, broj: 03-21-171/13 od 17.04.2013.g“.

U postupku obrade zahtjeva utvrđeno je da imenovani zahtijeva dostavljanje informacija koje ne predstavljaju zaštićene informacije.

S tim u vezi, a kako bismo mogli postupiti po predmetnom zahtjevu, aktom broj: 01/3-50-4-UP/I-50-1/21 od 21.07.2021. godine, obratili smo se Sektoru za informacione tehnologije za dostavljanje traženih podataka, s obzirom da su isti iz djelokruga rada navedene organizacione jedinice.



Postupajući po našem aktu, Sektor za informacione tehnologije nam je aktom broj: 06/2-50-4-70-92-1/21 od 02.08.2021. godine dostavio dopis kojim nas informiše da, imajući u vidu činjenicu da u skladu sa najboljom praksom preporučenom od strane proizvođača servera za elektronsku poštu Microsoft-a i raspoloživim prostorom na Exchange serveru (serveru koji se koristi za e mail korespodenciju), logovi o zaprimljenim i poslanim elektronskim porukama putem elektronske pošte ostaju zapisani 30 dana, Sektor za IT tehnički nije u mogućnosti da dostavi predmetnu informaciju.

Takođe, dodatnom provjerom je utvrđeno da se e-mail adresa aida.boric@uino.gov.ba nalazi registrovana i koristi se u regionalnom centru Sarajevo, Odsjek za poreze, Grupa za podršku.

Slijedom navedenih činjenica, odlučeno je kao u dispozitivu rješenja.

*Pouka o pravnom lijeku:* Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).



**NACELNIK ODJELJENJA**

**Ratko Kovačević**

Dostaviti:

1. AGENCIJA NET COMM, vl. Taslaman Belma, ul.Behdžeta Mutevelića 51, 71 000 Sarajevo (uz dostavnicu)
2. Odjeljenju 01/3 2x
3. a/a